

հանդէս չարութեան, և որպէս գրեցաք՝ թէ ո՛րպէս հակառակեցան պատրիարգին Թումայի, և հանապազ երթալին դալին ի տիւանն, եւ ի ծածուկս հաճեցեալ զկամս փաշային, ասեն՝ Մեք տացուք զի քսակ պօստանճոց և քեզ ևս այսքան գրամ: Նաեւ սուպաշոյն ետուն կաշառս, զի ի մէջ գբոյն մահադեղ խառնեալ ընդ զահվէի արբոյց նմա սուպաշին ի գիշերի, յորմէ խոցեալ ի սիրտն՝ պառաչէր գոռալով, ասէ, և աղաղակէր առ Տէր: Եւ իբրեւ գոչէր որպէս զառիւծ ի սրտէ, իբրեւ թէ սլաք մտեալ ի թոքն, և ի ձայնէ աղաղակին ամենայն բանտն գլորդէր և բանտարգեալքն ի նմա սարսէին: Նոյն ժամայն ի ձեռն զահճին ըմբռնեալ կալեալ եւ յերանացն ճմլեցուցեալ, զի անդէն անկեալ նուաղէր եւ դառն եւ սաստիկ մահուամբ եւ կսկծանօք զհոգին առ Տէր արձակէր Թումայ՝ յառուր Շաբաթի երեկոյին որ Կիրակի լուսանայր՝ յՕգոստոս ամսոյ առաջին առուր: Եւ յորժամ լուան նոքա՝ ըզխրախճանս նոցին զի՞ պատմեսցուք եւ զուրախութիւնս նոցա ո՛րպէս գրեսցուք. որպէս զՏրդատ համարէին, որ յաղթեաց զԼիկանէս, եւ որպէս զԱղեքսանդր որ վերացոյց զԹագաւորութիւն Դարեհի Պարսից եւ զՊօլրոսին Հնդկաց. պանծալն պարծիլն անասելի: Բայց ոմանց կերոնաւ և զամբարիւք վառելովք ի ձեռս խաղային(*), ասէ, ի գիշերիս այս. եւ այս՝ խորհրդեամբ փաշային քեհեայի եղև և սուպաշուն: Եւ առաւօտուն կաշառեցին զմեծ զատին զի սիճիլ արար թէ Մահուամբ մեռաւ՝ վկայեալ Տաճկաց, տեսանելով ի վերայ նորա զի տեղի խոցոյ եւ վիրաց կամ ի պարանոցն կապուտած և կարմրած տեղի չուանի չկենալն, իբր թէ ոչ ոք է մերձեալ ի սալ, այլ իւրով մահուամբ մեռեալ: Եւ ձգեալ արտաքս զմարմին

(*) ի Սուրբ Գէորգ: